

Inuussutissarsiornermut, Suliffeqarnermut Inuussutissarsiutinullu ilinniartitaanermut Naalakkersuisoqarfik
Naalakkersuisoq
Landsstyreområdet for Erhverv, Arbejdsmarked og Erhvervsuddannelser
Landsstyremedlemmet
Ministry of Industry, Labour and Vocational Training
The Minister



Inatsisartunut ilaasortaq Anthon Frederiksen, Kattusseqatigiit Partiiat

Naalakkersuisunut apeqquteqaat inatsisartut suleriaasianni § 36, imm. 1 naapertorlugu nr. 2006-105

Asasara Anthon Frederiksen

Inuussutissarsiornermut, Suliffeqarnermut Inuussutissarsiutinullu ilinniartitaanermut Naalakkersuisoqarfimmi apeqqutigisatit qujassutigaaqut.

Kalaalit Nunaanni ilinniartitaaneq tamarmi aaqqissuussaavoq ataqatigiissaarineq pitsaassuserlu anguniarlugit. Ilinniartitaanerit ingerlatatta ilinniagaqartuutsitta pitsaanerpaanik pissarsiaqarnissaat siunnerfigaat, aammalu isumannaarniassallugu suliffeqarnermi piginnaasalinnik sulisussaqaarnissarput.

Taamaattumillu ilinniartitaanermut ataatsimiititaliat assigiinngitsut pilersaaruserlutilu ineriartortitsiarput ilinniagassanut sammivinni assigiinngitsuni ilinniakkat pikkorissaanerillu imarisaat siunertaallu eqqarsaatigalugit, taavalu Suliffeqarnermut Inuussutissarsiutinullu ilinniartitaanermut Pisortaqarfiup, aamma Kulturimut, Ilinniartitaanermut, Ilisimatusarnermut Ilageeqarnermullu Pisortaqarfiup ilinniartitaanerit ingerlatagut tamaasa eqqarsaatigalugit ataqatigiissaarineq isumagaat.

Ungasinnerusoq eqqarsaatigalugu pilersaaruserineq ataqatigiissaarinerlu taanna sumiiffinni assigiinngitsuni ataatsimiititaliat, ilinniartitaanermit ingerlatsiviit sinnisaasa, inuussutissarsiortut aamma suliffeqarnermit illuatungeriit sinniisoqarfigisaat, rektorit forständerillu kiisalu pisortaqarfiit ingerlaqatigiinnerat siunertaasut naapertorlugit ingerlanneqarpoq, ukiorpanngortunilu ilinniartitaanerup ataqatigiissaarnerqarlunilu pitsaassuseqarnera taamaalillugu isumagineqarpoq.

Ilinniartitaanermut pilersaarut, Naalakkersuisuni aalajangersarneqartartoq, kingornagullu Inatsisartunit tusaatissatut tiguneqarluni, siunissamut ilinniartitaanikut pilersaarutinit, naleqqusnaanernik nutaanillu iliuusissanik ersersitsivoq. Siunissamut ilinniartitaanermit iliuusissat killiliussallu isumannaassavaat Kalaallit Nunaanni inuussutissarsiortut pisariaqartitaasa naammassineqarnissaat, suliffeqarnerulilu ineriartortinneqarnerani aqquataasooq naapertuuttumik sakkusaqartissavaat.

22. maj 2012

J. nr. 01.20/06
SIIP j. nr. 52.85

Postboks 1601
3900 Nuuk
Oq/tel +299 34 50 00
Fax +299 32 56 00
ip@gh.gl
www.nanoq.gl

Ilinniartitaanikkut immikkut ittumik suliniuteqarneq eqqanaarneqassaaq ingerlaavartumik ataqatigiissaarinikkut, uuttuisarnikkut aammalu aqutsisuusunit ingerlaavartumik malittarinninnikkut. Aqutsisunik peqataapput Namminersornerullutik Oqartussani Pisortaarfiiit suliamut attuumassuteqartut Pisortaat kiisalu KANUKOKA-p Pisortaa. Aqutsisut ukiup ingerlanerani ingerlaavartumik naapeqatigiittarput, politikikkullu akisussaasunut ataqatigiissaarinerminnik malinnaatitsilllutik, soorluttaaq nalunaarsuinerit, naliliinerillu tunngavigalugit ilinniartitaanikkut suliniutini malitseqartitsisarnerit akisussaaffigaaq.

Ilinniartitaanermi pilersaarutini suliniutinut assigiinngitsunut, aamma suleqatigiissitani nutaamik suliniutiginiarneqartuni, kiisalu Piareersarfinnut kiffartuussinissamut Namminersornerullutik Oqartussat isumaqatigiissutaasigut kommunit periarfissaqarput suliniutinut ilinniartitaanikkut piginnaanngorsaaqqiinikkullu ineriartornermi siunnerfilinnut aningaasaliissuteqartassallutik.

Suliniutinut pilersinniakkanut qinnuteqaatit ilinniartitaanermut pilersaarummi naalackersuinikkut anguniagaasunut naapertuutissapput, ilanngullugulu piareersarlugaassallutik, taamaalilluni ataqatigiissaarluakkamik pitsaassutsimillu isumaanarinerimik tunngaveqartumik ilinniartitaanerup iluani sullissineq aalajangiusimaneqarsinnaaqqullugu. Taama iliornikkut naatsorsuutigineqassaaq, suliniutit nutaat Piareersarfiit Ilinniarfiillu qanimut suleqatigiinnerisigut ataqatigiissaarneqassasut.

Ikinngutinnersumik inuulluaqqusillunga

Siverth K. Heilmann
Naalackersuisoq